

საქართველოს მთავრობის

დადგენილება № 360

2012 წლის 5 სექტემბერი

ქ. თბილისი

საწარმოებისათვის აუდიტირებული ფინანსური ანგარიშგების განმახორციელებელ ან/და საექსპერტო და აუდიტორული დასკვნების გამცემ პირთა და სახელმწიფო საწარმოთა ნუსხის დამტკიცების შესახებ

მუხლი 1. საქართველოს საგადასახადო კოდექსის 202ე მუხლის მე2 ნაწილისა და „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე5 მუხლის „თ“ და „კ“ ქვეპუნქტების საფუძველზე, დამტკიცდეს:

1. საწარმოებისათვის აუდიტირებული ფინანსური ანგარიშგების განმახორციელებელ ან/და საექსპერტო და აუდიტორული დასკვნების გამცემ პირთა ნუსხა (დანართი №1).

2. სახელმწიფო საწარმოთა ნუსხა (დანართი № 2).

საქართველოს მთავრობის 2014 წლის 17 იანვრის დადგენილება №96 – ვებგვერდი, 21.01.2014წ.

მუხლი 2. საქართველოს ზოგადი ადმინისტრაციული კოდექსის 61-ე მუხლის შესაბამისად, მაღადაკარგულად გამოცხადდეს:

1. საქართველოს მთავრობის 2010 წლის 28 დეკემბრის №411 დადგენილება „საწარმოებისათვის აუდიტირებული ფინანსური ანგარიშგების განმახორციელებელ პირთა და სახელმწიფო საწარმოთა ნუსხის დამტკიცების შესახებ“.

2. საქართველოს მთავრობის 2009 წლის 30 დეკემბრის №1064 განკარგულება „საექსპერტო და აუდიტორული დასკვნების გამცემ პირთა ნუსხის დამტკიცების თაობაზე“.

მუხლი 3. დადგენილება ამოქმედდეს გამოქვეყნებისთანავე.

პრემიერ-მინისტრი ი. მერაბიშვილი

დანართი №1

საქართველოს მთავრობის 2013 წლის 15 იანვრის დადგენილება №5 - ვებგვერდი, 22.01.2013 წ.
საქართველოს მთავრობის 2014 წლის 17 იანვრის დადგენილება №96 – ვებგვერდი, 21.01.2014წ.

საწარმოებისათვის აუდიტირებული ფინანსური ანგარიშგების განმახორციელებელ ან/და საექსპერტო და აუდიტორული დასკვნების გამცემ პირთა ნუსხა

საწარმოებს დასაბეგრი ქონების ღირებულების განსაზღვრის მიზნით საქართველოს საგადასახადო კოდექსის 202ე მუხლის პირველი ნაწილის „ა“-„დ“ ქვეპუნქტების მიხედვით გათვალისწინებული აფასების ვალდებულება არ წარმოეშობათ, თუ ბალანსზე რიცხულ უძრავ ქონებას აღრიცხავენ გადაფასების მეთოდის გამოყენებით და აქვთ ქვემოთ ჩამოთვლილი ერთერთი პირის აუდიტირებული ფინანსური ანგარიშგება. ასევე „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე5 მუხლის „თ“ და „კ“ ქვეპუნქტებიდან გამომდინარე, პრივატიზების განმახორციელებელი ორგანო უფლებამოსილია, ხელშეკრულებით ნაკისრი ვალდებულებების შესრულების დადასტურებასთან დაკავშირებით სახელმწიფო ქონების შემძენ/მმართველ/მოსარგებლე პირებს მოსთხოვოს ექსპერტიზის ან/და აუდიტის ჩატარების მიზნით მიმართონ ქვემოთ ჩამოთვლილ პირებს:

ა) სსიპ – ლევან სამხარაულის სახელობის სასამართლო ექსპერტიზის ეროვნულ ბიუროს;

ბ) ფრაისვორტერჰაუსკუპერს (pricewaterhouseCoopers);

გ) დელოიტის (Deloitte);

დ) ქეიფიემჯის (KPMG);

ე) ერნსტ ენდ იანგს (Ernst & young);

ვ) გრანტ თორნტონს (Grant Thornton);

ზ) ბიდიოს (BDO);

თ) ბეიკერ ტილის (Baker Tilly);

ი) სმიტ ენდ ვილიამსონს (Smith & Williamson);

კ) პიქეი ეფს (PKF);

ლ) შპს „კაპტო ჯგუფს“ (RSM-ის წევრი);

მ) შპს „აუდიტორული და საკონსულტაციო სამსახური ემჯიი ჯორჯიას“ (MGI);

ნ) შპს „ფინანსური მართვის ჯგუფს“ (FMG);

ო) შპს „ცოდნისას“.



სახელმწიფო საწარმოთა ნუსხა

დასაბეგრი ქონების ღირებულების განსაზღვრის მიზნით საქართველოს საგადასახადო კოდექსის 202-ე მუხლის პირველი ნაწილის „ა“-„დ“ ქვეპუნქტების მიხედვით გათვალისწინებული აფასების ვალდებულება არ წარმოეშობათ შემდეგ სახელმწიფო საწარმოებს:

- ა) სს „საქართველოს ნავთობისა და გაზის კორპორაციას“;
- ბ) შპს „ენგურჰესს“;
- გ) სს „გაერთიანებულ ენერგეტიკულ სისტემა „საქრუსენერგოს“;
- დ) სს „საქართველოს სახელმწიფო ელექტროსისტემას“;
- ე) შპს „საქართველოს რკინიგზას“;
- ვ) შპს „რეილვეი ფროფერტი მენეჯმენტს“;
- ზ) შპს „ჯორჯიან რეილვეი ტრანსკონტეინერს“;
- თ) შპს „ჯორჯიან რეილვეი ქონსტრაქშენს“;
- ი) შპს „ვარდნილჰესების კასკადს“;
- კ) შპს „მარაბდა-კარწახის რკინიგზას“;
- ლ) შპს „საქართველოს გაერთიანებული წყალმომარაგების კომპანიას“.

